



UNIVERSITI TEKNOLOGI MALAYSIA

KURSUS: Integriti dan Rasuah (KIAR)

Pensyarah: Dr. Raehan

TUGASAN INDIVIDU (20%)

Nama Pelajar: Nuraisyah Binti Mohd Zikre

No Matrik: A23CS0160

Berdasarkan kepada pengalaman dan pemerhatian terhadap keluarga/ masyarakat/ institusi/ organisasi/ negara/ luar negara, sediakan satu situasi yang memberikan kesan kepada diri anda dalam mengekalkan nilai & jati diri anda. Situasi tersebut merupakan situasi yang melibatkan keadaan apabila mendesak, individu terlibat terpaksa membuat tindakan tidak berintegiti.

a)Latar Belakang Situasi

SITUASI 3

Kiki merupakan seorang pelajar universiti yang perlu bekerja sambil belajar demi menampung sara hidupnya dan keluarganya. Demi kelangsungan hidup sepanjang pandemik Covid 19, masa Kiki banyak dihabiskan untuk mencari pendapatan tambahan sebagai pemandu Grab. Dalam keadaan yang sibuk mencari sumber pendapatan, Kiki banyak bergantung kepada aplikasi <https://chegg.my.aptoide.com/app> dalam menyiapkan tugas. Oleh kerana kesibukan Kiki mencari sumber pendapatan tambahan, Kiki tidak sempat untuk membuat persediaan dalam menghadapi Ujian dan Peperiksaan. Dalam keadaan terdesak, Kiki telah menggunakan aplikasi tersebut untuk menjawab soalan ujian dan juga peperiksaan yang telah dibuat secara atas talian.

b) Nilai-nilai Jati Diri yang Hilang

Perbuatan Kiki yang meniru merupakan jalan singkat untuk dia tidak gagal dalam peperiksaan sedangkan pelajar lain bersenggang mata membuat latihan. Malahan, perbuatan tersebut menunjukkan sifat amanah dalam diri Kiki telah hilang dimana pensyarah telah mengamanahkan para pelajar untuk menjawab soalan peperiksaan dengan jujur dan tidak meniru sepanjang peperiksaan berlangsung. Namun, Kiki telah pecah amanah dengan menipu sewaktu peperiksaan berlangsung. Perkara sebegini turut berlaku di luar negara di mana pelajar menggunakan ChatGPT untuk menipu dalam peperiksaan (“Pelajar Guna ChatGPT Untuk Menipu Dalam Peperiksaan,” 2023). Selain itu, Kiki juga telah melepaskan tanggungjawabnya sebagai seorang pelajar dengan menyibukkan dirinya dengan pekerjaannya sedangkan Kiki merupakan seorang pelajar universiti yang seharusnya menuntut ilmu. Situasi ini turut berlaku untuk kebanyakan mahasiswa yang datang dari kelas pertengahan atas desakan ekonomi keluarga yang menyebabkan kerja sambilan menjadi pilihan mereka untuk menampung kos sara hidup.

c) Nilai Universal

Kiki seharusnya lebih bertanggungjawab terhadap tindakannya dengan mempersiapkan diri dengan mengulang kaji sebelum peperiksaan. Tindakan Kiki yang bekerja keras untuk mengurangkan beban ibu bapanya dengan bekerja sambilan itu cukup mulia namun Kiki perlu seimbangkan masa bekerja dan belajar dengan membuat jadual waktu. Dengan ini, Kiki bukan sahaja dapat memperoleh wang saku lebih malah dapat menjalankan tanggungjawabnya sebagai seorang mahasiswa. Muhammad Harris Shazman yang merupakan bekas pelajar Universiti Malaya (UM) jurusan Ijazah Sarjana Muda Perhubungan Antarabangsa dan Strategik juga berkata bekerja sambilan bukanlah satu beban jika seseorang itu bijak dalam menguruskan masanya antara bekerja dan belajar (“Antara Belajar, Bekerja,” 2018). Di samping itu, Kiki perlu membentuk akhlak dan sahsiah dalam diri agar kesilapan sebegini dapat dielak dan tidak akan berulang kerana pisang tidak berbuah dua kali.

d) Sumbang Saran

Antara sumbang saran yang dapat dicadangkan untuk Kiki dengan integriti sebagai pedoman ialah Kiki boleh berkongsi masalahnya dengan individu yang profesional untuk dia dapatkan sokongan moral. Sebagai contoh pihak kaunselor universiti yang sentiasa sedia untuk membantu dan mendengar masalah para pelajar. Dengan ini, beban yang dipikul seorang diri sedikit sebanyak dapat diringankan. Pihak kaunselor universiti juga dapat membantu Kiki yang berhadapan dengan masalah kewangan disebabkan kos sara hidup yang melambung tinggi dengan menawarkan biasiswa untuk Kiki. Kiki juga boleh bergaul dengan mereka yang berakhlak mulia dalam membentuk akhlak dan sahsiah dalam diri. Hal ini dikatakan sedemikian kerana interaksi dengan mereka yang sebaya dan berakhlak mulia sedikit sebanyak dapat memberi contoh positif yang dapat Kiki amalkan.

e) Soalan

1. Menurut pandangan anda, adakah tindakan individu yang terlibat dalam situasi tersebut adalah wajar? Berikan justifikasi.

Menurut pandangan saya, tindakan Kiki dalam situasi tersebut adalah tidak wajar. Hal ini dikatakan sedemikian kerana Kiki sebagai seorang pelajar seharusnya lebih bertanggungjawab dalam menjalankan tanggung jawabnya sebagai seorang pelajar. Sebagai contoh, Kiki perlu bijak dalam membahagikan masa antara waktu belajar dan bekerja. Dengan ini, Kiki tidak perlu bergantung kepada aplikasi tersebut untuk menyiapkan tugas. Malahan, Kiki juga tidak perlu menipu dalam peperiksaan kerana Kiki telah membuat ulang kaji dan akan memperoleh keputusan yang bagus untuk memohon biasiswa. Oleh disebabkan itu, Kiki tidak perlu bekerja sambil sebagai pemandu Grab.

f) Kesimpulan dan Refleksi Diri

Berdasarkan situasi Kiki yang melakukan kesalahan sebagai seorang pelajar universiti yang sedang menuntut ilmu, saya berfikir bahawa ia hanya masalah yang biasa dimana pelajar terdesak untuk tidak gagal dalam peperiksaan untuk mendapatkan segulung ijazah. Namun, ini bukanlah isu yang biasa kerana isu sebegini turut dibincangkan di luar

negara kerana menurut artikel daripada Kosmo! 26% guru K-12 (tadika hingga 12) sekurang-kurangnya telah menangkap seorang pelajar yang menipu menggunakan ChatGPT ("Pelajar Guna ChatGPT Untuk Menipu Dalam Peperiksaan," 2023). Malahan, tindakan Kiki yang mementingkan kerja berbanding pembelajaran kerana berdepan dengan masalah kewangan saya pasti situasi sebegini turut dialami oleh setiap mahasiswa yang datang dari kelas pertengahan lebih-lebih lagi mereka yang datang dari kelas bawahan. Begitu juga saya yang juga datang kelas pertengahan turut merasa perkara yang sama di mana saya terasa seperti membebankan ibu bapa saya dengan yuran universiti yang mahal. Akan tetapi, masalah sebegini boleh diatasi dengan memohon biasiswa ataupun zakat. Malahan, tekanan yang Kiki hadapi mendorongnya untuk melakukan kesalahan tersebut. Oleh hal yang dikatakan sedemikian, kita perlu mendapatkan sokongan moral dari mereka yang profesional ataupun seseorang yang kita selesa untuk meluahkan perasaan. Dengan ini, niat untuk melakukan perkara yang salah dapat dielakkan malah kesihatan mental turut terjaga tidak lupa juga kesihatan fizikal.

f) Rujukan

Antara belajar, bekerja. (2018, December 23). *Harian Metro*.

<https://www.hmetro.com.my/bestari/2018/12/405841/antara-belajar-bekerja>

Kos sara hidup tinggi, kerja sambilan jadi keutamaan pelajar universiti | MalaysiaNow.

(2023, March 26). *Malaysia Now*.

<https://www.malaysianow.com/my/news/2023/03/27/kos-sara-hidup-tinggi-kerja-sambilan-jadi-keutamaan-pelajar-universiti>

Pelajar guna ChatGPT untuk menipu dalam peperiksaan. (2023, March 28). *Kosmo Digital*.

<https://www.kosmo.com.my/2023/03/28/pelajar-guna-chatgpt-untuk-menipu-dalam-peperiksaan/>

Peranan Remaja Dalam Membentuk Sahsiah Diri Yang Terpuji. (n.d.). Semakan.my.

Retrieved October 21, 2023, from

<https://www.semakan.my/membentuk-sahsiah-diri/>

